

BALDINTZAK eta MUGAK

1. Mugikortasun bat egin ahal izateko SICUE programaren barruan ezinbestekoa da UPV/EHUK bitariko hitzarmena sinatuta behar du izan aldez aurretik unean uneko unibertsitatearekin. Ez da eskaririk onartuko aldez aurreko hitzarmenik ez duen unibertsitatearekin trukerik egin nahi bada.
2. Ikasleek matrikulatuta egon beharko dute UPV/EHUn, helburuko unibertsitatean egin gura dituen ikasketei dagokien titulazioan, bai mugikortasunerako eskaria egiteko unean, bai mugikortasunean zehar.
3. Ikasleak irakaskuntza sistema behar bezala ezagutzen duela bermatzeko, trukea UPV/EHUn **45 kreditu** behar ditu **gainditu** ikasleak eta, mugikortasunerako eskaria egin aurreko ikasturtean gainditu.
4. Gutxien dela, **30 kreditutan** egon behar du **matrikulatuta** (bigarren matrikulaldia kontutan hartu gabe).
5. Ikasleak hautatzeko erabiliko den batez besteko nola kalkulatzeko, kontutan hartuko da mugikortasun eskaria egin aurreko ikasturtean dagokion titulazioan ateratako nota, iraileko deialdia barne.
6. Honako hauek dira egonaldiaren iraupena eta landu beharreko gutxienerako edukia:
 - **Ikasturte erdia** (3, 4, 5 edo 6 hilabete): gutxien dela **24 kreditu**.
 - **Ikasturte osoa** (9 hilabete): gutxien dela **45 kreditu**.

Ikasleari ikasketak amaitzeko egonaldiaren iraupenak exijitutako gutxienerako kreditu kopurua baino kreditu gutxiago gelditzen zaizkionean, trukeaz baliatu ahaliko du gainerako baldintzak betetzen baditu, baldin eta jatorrizko koordinatzaileak eta Nazioarteko Harremanetako Bulegoak hala baimentzen badu.

24 kreditutik behera gelditzen bazaizkio, seihileko mugikortasuna izan dezake, ez urte batekoa.

% 65eko dibertsitate funtzionala edo handiagoa duten ikasleen kasuan eskola zama txikiagoa izango da:

- **Ikasturte erdia** (3, 4, 5 edo 6 hilabete): gutxienez **12 kreditu** egiteko.
- **Ikasturte osoa** (9 hilabete): gutxienez **24 kreditu** egiteko.

Halakoetan, jatorrizko eta helburuko unibertsitateak ahaleginduko dira informazioa ematen, koordinatzen, eta jarraipen ahalik eta egokiena egiten, koordinatzailearen eta ezgaitasunak dituzten ikasleei laguntza emateko atalen bitartez, ezgaitasunak dituzten ikasleen trukeak ondo joan daitezten. Lehen esan bezala, ikasle talde honek lehen

adierazitako kredituak gainditzeko baldintzak bete beharko ditu. Esanak esan, lehen adierazitakoa kontuan harturik, eta bi unibertsitateak ados egonez gero, irizpide horien malgutzetako bat aplikatu daiteke, betiere aurrez SICUE programaren batzorde intersektorialari kontsulta eginda.

7. Akordio akademikoan sartutako kreditu eta irakasgaiak ikasketak osatzeko nahitaezko curriculumean egon behar dute.

8. Atzerriko erakundeetan UPV/EHUk aintzat hartutako ikasketak egin beharko dira, gure unibertsitatean ofizialki aitortutako titulua lortzera bideraturiko ikasketak programaren barruko osagarri moduan.

9. DEIALDIAK: Helburuko unibertsitatean irakasgai eta ikasturte jakin baterako dagoen deialdi kopuru berbera erabiltzeko eskubidea izango du ikasleak. Beraz, ikasleak ikasturte horretan ezin izango du irakasgai horren azterketarik egin jatorriko unibertsitatean: helburuko unibertsitatean egin behar du.

10. HAUTAZKOAK: Hautazko irakasgaiak egin ahal izango dira helburuko unibertsitatean jatorrizko unibertsitatearen ikasketak planean egon ez arren, ikasleen espedienteetan hautazko gisa jasoko direlarik.

11. IRAKASGAIAK: Ikasleak bere titulaziokoak ez diren irakasgaiak, gehitu ahalko ditu SICUE akordio akademikoan, betiere antzeko titulazio batekoak badira, aldez aurretik inplikaturik dauden koordinatzaile guztiek baimena eta Nazioarteko Harremanenetako Bulegoak oniritzia emanda.

12. Inola ere ez da onartuko, modalitatea edozein dela ere, titulua edo zikloa burutzeko behar diren kredituen % 50 baino gehiago UPV/EHUtik kanpo egitea; ez eta titulu edo ziklo osorako ezarritako iraupenaren % 50 baino gehiago UPV/EHUtik kanpo egitea. UPV/EHUtik kanpoko gehieneko egonaldia kalkulatzeko, derrigorrezko praktikak eta karrera amaierako lanak ez dira kontuan hartuko, eta horietarako, beste egonaldi batzuk egin ahalko dira.

13. Inola ere ez dira onartuko UPV/EHU gaindituta dauden irakasgaiak, eta ezin izango da eskatu harrera unibertsitatean egindako ikasketak irakasgaion ordeztatzeko. Ezin izango dira egin ikasketak planean eskatzen direnak baino kreditu gehiago, irakasgai bateko matrikula egitean kreditu kopurua gainditzeko denek izan ezik..

14. **IKASLEA AURKEZTU EZ DEN IRAKASGAIA:** Matrikulatutako irakasgaiak egin ahal izango dira, baldin eta ikaslea azterketara aurkeztu ez bada eta kalifikazioetan "aurkezteke" agertzen bada. Irakasgai horiek jatorrizko unibertsitatekotzat hartuko dira, bai kalifikazioei dagokienez bai deialdiei dagokienez.

OHARRA: Sicue mugikortasuna bigarren aldiz eginez gero, ikasleak EZIN izango ditu eraman lehen aldian eramandako irakasgaiak: ez aurkezteke dituenak, ez gainditu gabe dituenak.

15. **SUSPENDITUTAKO IRAKASGAIA:** Baldin eta ikastegiko barne arautegiaren kontra ez badoa eta ikastegiko koordinatzaile akademikoak hala baimentzen badu, lehenago suspenditutako irakasgai bat, gehienez, sartu ahalko da akordio akademikoan. Irakasgai bat baino gehiago sartuz gero, ez da geroago onartuko.

OHAR GARRANTZITSUA: Ikasleak bere ikastegian galdetu beharko du ikastegiko barne arautegiaren arabera ZENBATGARREN DEIALDIAN ERAMAN DEZAKEEN SICUE MUGIKORTASUNERA GAINDITU GABE DAUKAN IRAKASGAI BAT. Galdetu beharko du ere koordinatzailearen baimena izan arren helburuko unibertsitatean **aparteko deialdia** egiterik daukan.

16. Era berean, ikaslea EZIN da aurkeztu UPV/EHUko deialdietara, helburuko unibertsitatean egiteko matrikulatu dituen irakasgaiari dagokienean.

17. Ezinbestekoa da ikasleek UPV/EHUren beren ikastegiko mugikortasun-programetako baldintzak ezagutzea, parte-hartzeari eta hautaketari dagokienez.

18. SICUE programan sekula parte hartu ez duten ikasleek lehentasuna izango dute titulu berean edo beste batean bigarren egonaldi bat eskatzen dutenen aurrean.

19. Ikasle berak ezin izango du SICUE truke bat baino gehiago egin unibertsitate berean, ez eta ikasturte berean ere.

20. Ezin har daiteke parte Nazioarteko Harremanen bulegoak gestionatutako bi programatan baino gehiago.

21. SICUE mugikortasun programetatik kanpo geratzen dira master eta doktoregoko ikasketa planak.

22. Egonaldiak, azterketa-garaiak barne, jatorrizkoa ez den unibertsitatean egin beharko dira; alegia, beste probintzia eta beste metropoli area bateko campus batean. Beraz, ikasleak egiazko egoitza-aldaketa egin beharko du.

23. **NORAKOAK:** Ikasleak gehienez 3 hauta ditzake. Behin Sicue eskaera GAURen egin ondoren, ezin dira aldatu norakoak eta horien arteko ordena.

24. **PLAZA LIBREAK:** Eskatutako 3 norakoetatik bat bera ere eman ez bada, ez dago "beste aukera batzuk" hautatzeko aukerarik, bigarren adjudikazioa amaitu ondoren.

25. **MASTERRA:** Deialdi honetan parte hartu ahal dute ikasturte bat baino gehiago irauten duten masterretako ikasleek. **Kanpo geratzen dira ikasturte bateko iraupena daukaten master eta doktoregoko ikasketa planak.**

26. **GOI MAILAKO ETA ERRENDIMENDU HANDIKO KIROLARIAK:** Salbuespena izango dira eta parte hartu ahal izateko, egiaztatu egin beharko dute goi mailako edo errendimendu handiko kirolariak direla, eta eskariarekin batera eskaria justifikatzeko idatzia aurkeztu beharko dute. Horretarako, komenigarria da eskaria epe barruan egitea.

27. **EGONALDIAREN IRAUPENA.** Egonaldiaren iraupena bat etorriko da bitariko hitzarmenean jasotakoarekin.

Deialdi honetan, egonaldia murriztu (ikasturteko osotik ikasturte erdira) edo egonaldia luzatu ahal izango da (ikasturte erditik ikasturte osora), jatorri eta helburuko koordinatzaileak ados egonez gero eta plaza eskatuko zukeen ikasleren bati konparaziozko bidegabekeriarik egin ezean. Nolanahi ere, egonaldiaren murrizpen edo luzapena C inprimakian jasoko da.

Garrantzitsua: UPV/EHUren arautegiak aginduta, SICUE ikasleen trukearen iraupena aldatzeko eskaria onartuko bada, **ezinbesteko baldintza** izango da Nazioarteko Harremanetako bulegoan SICUE **egonaldia luzatu edo laburtzeko inprimakia** aurkeztea, SICUE plaza eman eta hilabeteko epearen barruan. Inprimaki hori GAUR aplikazioko profilean edo webgunean aurkitu ahal da. Inprimakia aurkezteko epea maiatzaren 30ean amaituko da (egun hori barne).

Ez da egonaldia aldatzeko eskaririk onartuko epez kanpo. Salbuespen gisa, behin mugikortasuna hasita helmugako unibertsitatean, egonaldiaren murrizketa onartu ahalko da baldin eta **idazki** baten bidez justifikatzen bada arrazoa argudiatuz eta **behar den dokumentazioa** aurkeztuz: osasun ziurtagiria, praktiken edo lanen kontratua edo bestelakorik...edo **Akordio Ekonomikoko egonaldia laburtzeko eranskina (C inprimakia)** erantsiz, ikasleak eta bi koordinatzaileek behar bezala beterik. Hala eginez gero, Errektoreordetzak jaso egingo du epez kanpoko eskaera, baldin eta behar bezala justifikaturik badago, eta behin aztertuta, onartu edo atzera botako du.